

石堂先生遺集

石堂先生遺集卷之四

宋寧德 陳普 尚德

講義

書

曰若稽古帝堯曰放勳

曰若蔡氏以為與周書越若同稽古者虞史之辭也古者已往之謂此說魯經文公訂正不可易也堯名也三五相承淳質未變所謂堯舜禹皆名也曰若猶言其說如此總其平生終始而以一言蔽之也放至也意與去聲之放同蓋展拓廓充極其所至而後止

曲礼所謂放諸四海是也黜功也凡為人必有事其
事必隨其位而有所至而况於帝王之位中三極而
為之君天地間事孰非其事一物之不得其性一事
之不得其理一氣之不得其行則是戕其事而闕其
功而有愧於其位矣堯之為君知戕之在已不可以
有愧故正心脩身以為之本必使自身以往以極于
四方上下一人一物皆得其所以至於日月星辰之
行四時之運山嶽之峙江河之流皆不失其度不違
其性而後庶幾乎其戕立心以主之居敬以持之勿
忘勿助以成之所以其功至於黎民於變時雍光被

國表格于上下也格于上下謂天地與禽獸草木他
育之功無不到也豈惟堯哉舜禹湯文武周公其立
志考績皆必至此孔顏思孟周程張朱其講道誨人
亦必至此此事大莫能載小莫能破顏子在陋巷亦
是理會此等事業凡為孝者不可以不知也然此
世史臣之辭觀堯功勲之所到而言之也若堯之本
心則博施濟衆猶以為病未嘗自謂其已至也此又
萬世為人君者之所當知不然則驕矜自足之心生
而天地閉矣是故堯舜兢業上業才得一箇恰好一
毫自足便不足以為聖人矣

克明俊德以親九族九族既睦平章百姓百
姓昭明協和萬邦黎民於變時雍

克能也擔荷到底之謂蓋以他人鮮能而聖人獨擔
荷得起勇往力行不少放下以致於成功實效及人
及物蓋於天地同運於日穆之中視日月至焉之孝
大有間矣明日之也磨治洗濯使無一毫氣質物欲
之累也俊德即大孝明德俊大孝作峻皆廣大高明
出於人欲之上而為萬物之所仰望之意然亦夫人
之所同得而非聖人之所獨有故其功夫自一身九
族克於時雍大畧是一人無間斷故天地間皆發生

興起及其至也薰蒸成熟喻爲太和此非有於穆下
已之定力不能到所以章首曰冠一克字是亦史臣之
深意也以親九族以此而親九族也蓋不但恩礼同
盡皆德化感動九族之中皆大不發生與起故曰既睦
既盡也九族之中無一人之不順此德化流動自近
而始即大孝齊家之功也既睦便見同得若非同得
無緣得盡睦也平均章明也百姓畿內民庶也平即
絜矩之義欲無一人之不行也章謂明顯之欲其不
陷於欲而入於汙濁晦昧也昭明皆自明其德無汙
濁晦昧也協和即平章之性同一昭明而無不到之

處不資之人此最見得俊德為人所同得無遠無近
無愚無智各一性命之全体不過一人無間斷則皆
發生與起也自九族至萬邦猶主貴者近者而言至
於黎民於變則下極閭閻田野遠至海隅蒼生凡有
血氣心知髮膚形体者一皆發生與起薰蒸成熟變
謂成與惟新於者嘆異之辭見其然而莫知其所以
然之辭也可見一人不息功夫效驗著明而其密運
之功潛孚之妙有難以言語形容益稱堯曰廣運聖
神夫子贊堯曰唯天為大唯堯則之蕩乎民無疆
名焉哉七乎其有成功也煥乎其有文章皆以此也

時雍是合作一太和如人身四体大安至平無些小
血脉不流處推原其來總由天命同得而一人無間
斷也不是天命同得無緣得解既睦至於變才有間
斷則上下都放倒盡入晦昧去也故克字為一章之
冠冕

帝曰疇咨若時登庸

君臣之共治奉天以執其中而已奉天則得其中而
事上皆理天下無不治矣此堯典篇中第九節以帝
堯為治之綱領為言帝曰疇咨若時登庸此治道之
一大綱領而堯首明之也夫天之為天也時而已矣

事也物也各有其時一時各有一理即中庸之時中是也隨其時而盡其中之道如日之晝月之夜二氣之寒暑草木鳥獸之春夏秋冬當其時則如其理各盡其當然之分而無過不及無不正其性命而保合於大和天之為天者此也君之為君臣之為臣也亦然故堯先命羲和若天四時以為萬事之準式既即訪問群后使之擇人而事有能若時以為政者則登而用之蓋堯以執中為道觀堯典之序列可以見其所執者也帝曰者堯之以川注意也疇誰也擇也嘗而訪問之也訪問而謂之咨者見之深謀之遠故

嗚嘆以求之蓋欲必得之而不可以不得之謂也若
順也時者庶政萬事各有其時曰各有其中是即天
之四時寒暑晝夜之未短中星之爲虛星昴民之析
因夷曠人事之東作西成南訛朔易鳥獸之孳尾希
革毛毳毼毛在天在人在物在事其義理度數如此
如彼無不皆然當其時則各有其中處其事則各以
其中得其中則各合其宜而無所乖乱此事天人無
不同也堯深知之故先正義和之職隨咨嗟嘆息訪
求順時爲治之人時者羲和之事皆無過不及之中
而萬事之體法也虞史之作亦見堯之道而知其心

之所主故其作堯典也先以二章盡其終身之全体
大用然後繼以居位為治之次序首列羲和之事為
六節而次之以若時登庸之咨尋常讀者莫不歷耳
過目而不知堯典虞史之心皆所謂允執其中堯主
之而虞史知之故以疇咨若時登庸繼羲和之後而
堯之以天治天下與虞史之有見於堯之心之道皆
可見矣大哉時中之道乎堯典之敬授人時若時登
庸易之與時偕行進脩及時承天時行對時育物隨
時之義大矣哉皆堯之心而二帝三王之至道要術
也若者如之者也一時各有一中曰若曰及曰偕曰

承曰對曰隨不過如其無過不及而已

曰若稽古帝舜曰重華協于帝濬哲文明溫
恭允塞

紀德行論心術皆所以為教然亦惟知道者為能得
其要而盡其精愚於二典之首所述堯舜之德深嘆
虞史之不可及豈惟一時君臣皆上聖大賢其史臣
亦所謂與知與能者也虞庠夏校議論講明無復聞
矣二典三謨君德治道綱領條目淵然粲然為萬世
道孝之宗祖其秉是筆者豈非得之庠序之講明若
吾夫子之門善言德行之顏閔善模寫聖人之子貢

者乎驪龍之珠非入九淵之下不可得堯舜君臣所
以為治用功下手大率若此而一時之士亦莫不能
言之是可畏也欽明文思安安堯之德也濬哲文明
溫恭允塞舜之德也而能審視詳記備其根本枝葉
以為天下後世之教豈淺孝之所能與哉欽明文思
安安總言堯之全体濬哲文明溫恭允塞視堯之六
字氣象差小若夫子所謂大哉君哉然者濬深也藁
辭所謂惟深也故能通天下之志所謂精義入神以
致用也所謂洗心退藏於密所謂淵泉時出淵淵其
淵者也九德之不能久功之不可大者其所存所得

之淺也舜之德惟其淵深故其源遠而其流自不息
其根深故其枝葉自暢茂曰哲曰文明曰溫恭曰允
塞皆本於濬者也哲者是非炳而幾微著若無塵之
明鏡來者無不照也此全体大用之初故次於濬繁
辭以幾次深亦此意也文者礼樂流行若陰陽之相
文得時而中節明者光輝發越若日月之照臨至公
至明溫恭者見之於身氣如春生而容如山立也允
塞者歛之於心堅如金石而充如五穀也蓋所以收
結上文五者而總歸之於誠而皆得之於哲文明者
聖人皆以誠為体明為用也哲文明溫恭五者而繼

之以允塞者總之於誠起之以濬者以深為本也可
以見理之一原入於無內無倫無聲無臭而其見之
於用皆一誠之流行了不見有一毫已私外物之雜
所以萬善無不全萬用無不得而光華自發生聲名
自洋溢若堯之光被四表格于上下而舜之德謂之
重華協于帝也華即光也亦被四表亦格上下故謂
之重謂之協也

益曰都帝德廣運乃聖乃神乃武乃文皇天
眷命奄有四海為天下君

舜有臣五人而天下治孔子之言必曾經比較論量

不然夔龍伯夷垂豈不聰明賢聖乃不在五人之列
變作樂而鳳凰來儀垂之竹矢至周猶未弊可謂聖
於樂聖於工者其他可知矣而不得與五人並稱此
孝者多未嘗經心古今人才識見為先其識之深淺
遠近見之高卑大小因其言可知五人如禹臯陶稷
契其才德之過人方之堯舜但有君臣之分而已考
之詩書香可見也至益乃詩書所載視四人獨為鮮
少而夫子列之四人以為歉是必有其說夫子稱
堯之德曰大哉堯之為君也巍巍乎惟天為大惟堯
則之蕩蕩乎民無能名焉巍巍乎其有成功也煥乎

其有文章益之美堯數句與此語適相當是益之見
先與夫子同也曰都者深見堯之美而嘆息之也廣
即所謂蕩々無物不容無地不到與地同量者也運
者洗心藏密潛行默運一髮不容一息不斷與天地
同健者也着一毫之私不可以言廣有一息之停不
可以言運惟廣故能運惟運故益廣此堯之天德不
離於人而常絕類離倫獨與天地同其動靜四時同
其運行所謂惟天為大堯則之者也益之見益得
於至靜之中潛心体察賢人能聖人事此二語非小
小非去聖不遠不能如此形容也益之才識可以得

莫槩矣聖者無不通也廣之為也神者無跡不測運之功也所謂民無能名者也武者發強剛毅神而不殺文者文理密察一本萬殊四者皆出於廣運之中有一毫之間一息之斷不能洞達充滿以至於此也所謂巍乎成功煥乎文章亦無不在其中矣成功者若天地四時之所為文章者陰陽五行之交錯山川草木之高下皆廣運之發生成就也乃者難辯也人所能惟堯獨能其所以能由廣運而後能故曰乃聖乃神乃武乃文也先聖而後神孟子所謂大而化之之謂聖聖而不可知之謂神也先武而後文乾剛

而承以坤柔黃中通理斟酌裁制以歸於大中至正
無過不及之地也益之才識至此益可見矣皇大也
所謂惟天為大巍上之形也必言皇天者意脉亦自
廣運來言天之大而堯與之同大故命與德合不期
而在堯之身也奄盡也九州之內以至四海之外盡
有之也為天下君日月所照霜露所降舟車所至人
力所通無不以為君也其意皆自廣運來非廣不能
容非運不能至也益之才識觀此數語足以盡其平
生而與四人並列良以此與下文戒舜之言自儆戒
無虞以下皆慮其有一毫之間一息之漸終之以四

夷來王亦為天下君之意始之曰吁戒哉即前文曰
和之意皆深遠之嘆也蓋欲舜亦為堯而與之合有
資有本有日有月而不可失之之意又以見堯之廣
運非有神妙奇異不過無失法度無怠無荒遊淫疑
貳之類洗除空盡而遂與天同体耳但無人欲便成
天德所謂極高明而道中庸人皆可為者也然則益
之得列為五臣者觀此足以無歉孝者當詳觀而謹
思之庶乎其有以得之矣

洵惜全篇廣運二字
極重蓋根源處也

皋陶邁種德德乃降

種德者布其德於天下以興起天下之心使之發生
錫達若播穀然迺種者盡棄已私勇往力行無或間
斷然後本体誠一無雜發之微妙充之周徧人人深
而及物廣也德乃降三字意義尤可觀譬之雷行雨
作出於剛健精一之氣之所為若其間有少係累便
成密雲不雨如小畜之所云小畜陰卦也雖有五陽
而係累於陰其氣弱而不疆缺而不充雖欲成雨而
不可得故曰自我西效西郊陰方也陽累於陰不成
剛健精一之氣故不能成雨也臯陶能迺種則為剛
健精一之氣所以德下及於民亦如雲雨之行若他

人之有欲者則常有條累間斷自然柔弱無氣力有
退屈而無流行是乃理欲勝負事功成否之大機不
可以不察也小畜彖傳曰密雲不雨尚往也亦此意
往即邁也能勇往力行則為剛健精一之氣而成雨
也自我西郊則為陰所條累有間斷欠缺自不成雨
故曰施未行也

成允成功

觀此一句便見古人言不妄發也則必行以實其言
允信也成允者禹初往治水時必在帝前先有言語
講論治水之事後來一如其言故曰成允允為人臣

任君事必考其功任事而無成功便是曠官虛位禹
任治水之事卒成治水之功則為不空受任故曰成
功皆所謂信者也凡為人臣者皆當如此言亦易發
位亦不難居惟卒踐其言而不虛其位之為難也當
時群賢大槩皆如此非獨禹也若臯陶之期于無刑
而卒至於民協于中罔干予正是亦所謂成允成功
也稷契益諸賢皆如此舜為天子亦如此太槩言不
難發位不難居惟實而信之為難古之君臣兢亡業
業皆為此秦漢以來無復此念所以萬化皆不率而
君臣上下皆曠其位也

不自滿假

聖人之心常見自己之職有不盡而於其莫大之功
若未嘗見其有一毫所以無一息得自寬自容為一
身一家之計也舜稱禹曰不自滿假聖人不息之功
正在箇假字上使後世功名勲業之人能曉得此一
字則將思愆補過之不暇又安敢有富貴宴遊之心
哉假者借也寬也容也借片時容隙地以自暇逸此
雖賢者亦間有是心不但矜功挾才傲上陵下之小
人也其心以為吾有勲勞於國有德於民一日之安
一餉之樂一飲之醉一食之豐宮室之暫華車馬衣

服之苟美何足損吾功名而天下之人受吾利德吾
勞謂吾賢者亦無復以此而厚責於我如韓信之自
王郭子儀之窮奢極欲天下猶或以為當然法孝直
之殺人而先主孔明亦以其有勞而寬借之而況於
過門暫入魯何足以害吾櫛風沐雨胼手胝足之勲
勞哉不知仁人君子之心有大不然者也天地民物
之責無可休之日困窮無告昆蟲草木無一一皆得
其所之時居此位者誠能用此心則坐以待旦日晏
不食猶恐其職之不盡又何敢自謂有功有德於彼
望爵祿之報而自恕其偷安暫逸罪哉怠惰之門不

可開自負之心不可有一息寬容假借便與天地人物隔絕古之聖人絕亦不已固不敢容一毫私欲以間斷其不舍晝夜之運行也故舜以不自滿稱禹又著一假字見得禹之心未嘗自謂有功容隙地借片時以自與所以十三年之內三過其門皆不入蓋非故為是以要譽於天下也其心以為吾職未盡吾事未畢自不暇顧身念家啓之呱也實有所不暇問其視斗筭之徒微力薄效輒德色於其君者大有間矣故曰禹吾無間然矣所謂無間者不過謂無指點而已使禹有借片時容隙地之心則夫子必有以間之

矣明此而后知成王賜周公天子禮樂之非

滿招損謙受益

益勸禹班征苗之師而為此言其義安在古今用兵之人議論講說何嘗及此觀此言則凡以兵臨人而自謂已是彼非志在必勝者皆所謂滿也謙者反已自求不必已是人非而求必勝之謂此帝王之師所以行之莫非仁義必無妄動而亦必有成功何者責已周則道盡而其謀慮亦皆善自不至於敗漢以來君臣用兵雖不曉此義若其勝負成敗亦不能出此二句漢高帝彭城之敗平城之圍曹操烏林之紆紆

所謂滿招損也凡恐懼刻厲好謀用賢而能成功者亦所謂謙受益也聖賢之言萬古繩尺無能外者

允迪厥德謨明弼諧

唐虞君臣議論講明數千載中獨為精深其史臣所書亦非尋常闇於君德治道者之所能臯陶謨一篇在二典三謨為最短少然一句一義一字一說性命義理之源幾微深遠之慮明体適用本末之孝百王治道之要君臣交盡之戒備盡無遺所謂天叙天秩天命天討天工所謂五辰所謂和衷則循其義理之當然而極於性命之本然也所謂達於上下則明其

全体之無外迹可遠在茲則見其大用之必行一日
二日萬幾則幾微毫髮察見無遺慎厥身脩思求則
理亂安危之機一日不謹或致千百年之患而當為
深遠無窮之慮也然則一篇大意理性而已上下皆
職思其憂而其所以致亡勉亡者皆義理之當然性
命之自然雖曰艱難無逸而一毫智力不容於其間
萬事萬物各得其所而一時君臣惟一敬耳夫子曰
無為而治者其舜也與恭己正南面而已矣豈不信
哉安危之本深遠無窮之念苟且目前之憂無不畢
厥知人安民百王治道之大綱也兢亡業亡無疆志

官無教逸歎庶明勵翼百僚師七百工惟時日宣日
嚴夙夜浚明亮采勅我自我同寅協恭政事懋哉懋
哉敬哉有土思曰贊上襄哉則其君臣上下各務盡
其代天理人之職而不可有一息之怠忽一人之不
盡也起首總以二句實一篇之綱領也篇中群臣百
工自勵翼以下皆所謂謨所謂弼也謨明者公正詳
盡無一毫私曲怠忽隱藏弼諧者群臣百工事不同
而同於理合為一太和也德即堯典俊德允迪者信
蹈之也表裏無間動靜如一內剛健篤實外光輝洋
溢益身脩之事齊家治國平天下之本為人主而能

如此則群臣百官自皆興起奮發洗刷磨治潛孚默契鼓舞而趨於善其謀謨自皆明盡其翼賛自皆合理異時庸歌所謂喜起元首明股肱良庶事康同此意也大抵萬事皆理萬心皆性而命於天君能信順厥德率性之道脩道之教作於上而自應於下百工踊躍萬善流行一人秉明照於上而有生之類皆得所於下代天之職皆率而三才之位無愧此臯陶謨一篇之大旨也兢業幾為寅恭則迪德之本同寅協恭而和於衷則君臣上下所為皆盡性至命之事也衷即帝降之衷和衷聖人之精蘊蓋不出於義

礼之公謨亦無由而明不和於性命之理弼亦無由而諧匕即和也

予違汝弼汝無面從退有後言欽四隣

人非堯舜安能每事盡善古今上下之通言也而未知其為未善之言自平常人看堯舜可謂事匕盡善以堯舜自看若有一言自道盡善則全体皆壞了安得稱道至今豈惟君子之道當謙匕自牧道理當然實是如此天地雖大人猶有憾而况於聖人不離於人善之一語政自不敢承當况盡善乎故曰予違汝弼汝無面從退有後言欽四隣違者違道背理弼正

教也如舜安得有離道背理事然自舜觀之決須常有此心而後可如初年往于田時號泣于旻天于父母負罪引慝負罪者自以為已罪引慝者自以為已慝未嘗以為父母與弟之過舜之心非為父母之怒故為此益實見得父母之不爱誠若自身有得罪處但未知是何事故號泣旻天又曰於我何哉號泣于旻天者顛倒迷亂莫知其由如窮人無所歸於我何哉者莫知己之罪在何事也此皆真心實意未嘗自謂無罪者也後來為天子亦是此心雖事上皆合理而常慮其有得罪於天人處故告其群臣曰予違汝

獨又丁寧之以為不可阿意順旨不敢相拂退去
後却相告語以為不是又戒之曰欽四隣四隣左右
前後之近臣欽者敬其事不可忽決須一一相救正
也此可見聖人之實心非為過謙以媚其下也天下
之事無窮為君為臣為人同一難而為君尤難也故
堯舍己從人而博施濟衆聖人皆以為病遠道干譽
拂百姓從己欲失法度遊淫怠荒佚欲如此等事如
舜豈有一毫而臯陶益交陳之以為戒慢遊傲雪朋
淫干家丹朱事也舜便非聖人何肯為此而禹戒之
曰無若丹朱是防其有之也人心惟危一息不敬便

入不善故臯陶又重戒之曰兢_上業_上一日二日萬
幾無曠_上庶官天工人其代之兢_上業_上即曾子如臨
深淵如履薄冰之意幾微也人心之危毫髮之間也
曠空也廢也毫髮不謹則百官廢其職空其位而得
罪於天之所置矣由此言之聖人豈嘗有一毫自是
之心

元首明哉股肱良哉庶事康哉

天地人曰三才而人者天地之心也有人則有萬事
而事理之得失由人道立不立之所關也事理得則
人道立而天地賴以位猶心正而身無不脩也事理

矣則人道不立而天地無以位猶心不正而身不脩也
得之與失必有所繫故天樹之君以主之承之臣以
佐之君者總萬事之綱臣者理萬事之紀也臣得其
人則萬事皆得其理而安定臣不得其人則萬事皆
失其理而渙散而其所以得其人與不得其人者常
繫於君之明與不明也君者元首也臣者股肱也元
首以司其命股肱以宣其力居君位者必得有聰明
睿智之資光天之下正邪善惡無所逃遁則其所選
宰位置以為股肱之用者自無非稷契伊傳之臣由
是而付以樞機之任責其治平之效居職者各盡

其心受任者各獻其功君逸于上臣勞于下禮樂刑
政事七物上不期而皆得其所自然陰陽調而風雨
時三光全而寒暑平矣是故天下之本在一人一人
之道惟明而已苟或不然則三才無以立三仁不遇
而商以亡孔孟不容而周遂衰萬事何由而理人道
不得而立二氣四時百穀草木鳥獸魚鱉亦無望其
如唐虞之世矣故曰元首明哉股肱良哉庶事康哉
庶事所以立人道盡人理而為三才之主也康者各
得其理而無不安之謂君者主之而臣者佐之也良
者順理盡善之謂也臣良則事康矣君明則臣良矣

未有堯舜之明而容四凶之臣亦未有秦隋之君而
得八凱八元之佐也不得八凱八元之佐而委天下
國家之事於庸才凶德之徒庶事何由而理哉○聖
君賢臣不可徒有其名必上下各考其實而後無忝
於其名夫君聖則無不明臣賢則無不良明如日月
水鑑無一物之不照良如精金美玉無一事之不害
古今之為君為臣固多以此自居而群下之稱頌歸
美亦無不以此為言者然考其實則往而不然何
者君者用人論相者也君明則正邪善惡無所逃而
其所選用登崇置諸左右者自皆善人君子而無小

人之雜不然則朝無良臣任事者皆小人而君以明
自居在下者亦以明歸之無是理也豈有日月水鑑
在上而小人得容其和鴉乎小人在位則君徒有明
之名而無其實矣臣者任職治事者也君者庶事之
綱而臣者各事其事以理其紀者也臣良則其所職
所守無不盡而其所經綸規畫一皆順理盡善各得
其安而無不善之雜不然則萬事不理臣職不脩而
以良自處在上亦以良倚之亦無是理也豈有良金
美玉之德而其所鍼之事乃不得其理哉曠其官廢
其事則臣亦徒有良之名而無其實矣是知庶事必

康而後足以見股肱之良股肱必良而後足以彰元首之明否則上下以良明相諛而國家天下之事無一得其理治安之期邈而亂亡之形成矣猶以明良自居得乎

三江旣入

漢入江江入海而云江漢朝宗于海是漢亦水之大開之一分列之一位不使江獨專也伊瀍澗皆入洛洛入河而云伊洛瀍澗旣入于河亦謂伊瀍澗不爭多亦各容一分列一位不使洛獨專也譬如一人行大路三人從小路來合之同行則是四人共一路豈

得專之一人漢不合江江之下流未必大伊瀍澗不
入洛洛之下流亦未必大然則江下流即江漢並行
洛下流即四水並行也然則三江旣入如蘇說為是
但所謂味別者穿鑿不可用也凡水大者係祀不比
小小溪澗之入江河者湏是開之一分列之一位蔡
氏所謂合流之後不復可指為三未為當也但豫章
江不別見禹貢然其水亦大洶湧奔騰左蠡可見謂
之三江旣入亦是開一分列一位而以其平不費工
亦可見矣吳都賦之三江小不足言蔡說以近震澤
引援未為當然則河以漕洛諸水入海而獨言河

何也曰河大於江受如渭洛者多其勢不得言只當
總為一大河也

祇台德先不距朕行

此二句禹貢一篇之微妙又是十三年於外櫛風沐
雨之暇體驗工夫不獨水土既平治功興起之後所
當先也禹治水時雖曰勤勞四載以身率先亦必有
忠孝誠信之精微脩身謹行之度数並行乎其間是
故神孚人應動有天隨庶民子來衆理條暢自有立
立道行綏來動和過化存神生物不測之妙出於至
誠不貳之中而非人之所及知者故其成功有若造

化鬼神之為不惟節風沐雨胼胝手足之所能及也成功之後惟欲君臣上下接續此事推廣此孝無有間斷期於仁洽化成萬物得所故出此二句於一篇之末以為上下遵守蓋以其體驗之素為言非但意想期望之語也不距二字可見不距云者道之斯行動之斯和緩之斯來之謂也天命良心無人不可作而萬物觀設而天下服所患者惟間斷耳苟能敬以持之致其悠久積累之功則身心常正而天地自位萬物自育萬民自化故曰祇台德先謂敬以持之也此皆其治水時體驗之所得故以為言禹十三年於外

惟守一敬所以成功。鯀之不成亦惟不敬故動不得其序而五行自汙。陳臯陶論九德所謂亂而敬似說禹父子事。蓋有治才而敬則事皆合理而成功不敬則不順理而功不成矣。敬肆之間為治不可不知也。

惟皇上帝降衷于下民若有恒性

性字始見於此。然以湯之言詳之可見湯在當時深有見於心性之理。深知心性合為一全体又不容不殊而為二。蔡氏之說甚正而未精也。惟皇上帝降衷于下民。即文公所謂恭惟皇上帝降此仁義心是也。謂之衷者。兼中與忠而言。即心之全体也。若如也順。

也以動時言之人於應物之時如其心而順之則其有常之定性常於其時昭然而見乎其中與孟子以四端而知有四性其意同也蓋裏是仁義之心性是仁義之理裏即是性合之於心故曰裏性即是裏殊之於心故曰性裏重在心性重在理此湯之精意蓋所以表明天命不易之定理以為天下之大本也心之全体性之本体復專一而不雜非素講明体認不能為此言所謂宰於伊尹豈非此等語乎如九峯之說則只說得性雖下心字而出於經文之外不及思裏是心之全体合性為一之本体又不容不析言之

也又其言似謂裏猶是命而屬之天但降之於人至人稟其所降而後為性天之所降本具四者之理以為命人之所稟始得四者之理以為性是裏但為命而未為性也得無語病乎

惟皇上帝降衷于下民若有恒性克綏厥猷
惟后

此四句可以見人之為大性之為善君責之為重又可以見湯與伊尹皆自任以天下之重其放伐之事有甚不獲已焉者而其相上之武肫上之仁蕩上乎上無偏無黨之大道隱然自見於言外皇大也尊而

嚴之之意將言性出於命而先言主宰者之尊嚴以見性之為大而不可不奉持之意與中庸尊德性意同降字亦自皇字來若詔令自君而下在下者皆不敢不敬也衷字合性與心兼中與忠而言蓋不偏不倚之全体常昭_上耿_上在中是為應物之資裁物之器天下之大本也下對上而言下民凡有氣體心知聖智賢愚君臣朝野之總名也貴者當視賤者為一体而賤者未嘗不貴也若順者如率性之率恒性者一定不易之理也有恒性者實得各具之謂言天所降之衷率而由之則皆有一定不易之理不可搖奪

不可掩蔽不能熄滅者在其中蓋即用以見體循本而得本也衷合心與性而性但言心之理合心與性則其寂然不動常有知覺妙用在其中而非有体無用之體但言心之理則其感而遂通者常有一定不易之体為之主而非可以徇狂妄行之用猷道也即所謂若有恒性者亦謀猷之猷道言其常行謀則其所常行者常有心思知覺之妙以將之而非冥然之行易所謂人謀鬼謀百姓與能即此而凡一字異義而未始不相通者皆此之類也綏安也安之使不復搖動也其不安者人心之危亡也安之者以脩道

之教竟其道心使之常為主而人心聽命也安者安其心而謂之綏厥猷則合內外而為一矣但言安之則其固有而非外錄又可見也惟后者言皆君之責天命之得不得人道之立不立天下之治不治無所推避一在於君而已所以謂之萬方有罪亡在朕躬湯諾一篇始之以克綏厥猷惟后終之以罪在朕躬是決以君道自任而其所以慄亡危懼者蓋以此之故也居天下之上者其可以自暇自逸哉克者任其重而畢其事之謂任其重者立志之強畢其事者主一無適之功也不克之則君道廢而忝人之上矣孔

子曰為君難孟子曰欲為君盡君道此之謂也古人之居人上為民慮為已憂者益如此後世之有天下者君臣議論未嘗及此為君者惟一時苟安則責塞其有志於民者僅能不忘其飢寒思有以飽煖之若漢文帝而已孝之不講豈惟為士者之事哉

德無常師主善為師善無常主協于克一

按此十六字在尚書中誠為舜禹十六字之次然蔡說於彼十六字為盡於此十六字實有未詳其言雖大其於中間之條理則未為密也德無常師主善為師看來伊尹之意猶是未定之言至於協于克一則

所主之善始為誠善而無可疑若遽以主善之善便為一本萬殊之善似失之太驟一字只是上文一德惟一下文一哉王心之一而克字猶為着意若遽把作一本之一而於克字只用一箇能字說過去似皆未得當時之意今以管見循其文而釋之讀者考焉德即上文一德之德一亦一德之一善者合理之謂與是字相似師者取人之善以成其德也伊尹既言一德又復詳其所以成德之由天下之善皆所以成一人之德也故曰德無常師主善為師謂不專一人不執一見而惟善之師也惟善之不雜以惡主一工

夫於是乎在然而義理精深幾微難見天下固有似
善而實不善似是而實不是者人皆以為善而揆之
天理則不合施之事物則不行衆之所是而聖知之
所非人以為可而天地鬼神以為悖似同而終不同
幾合而終不合若是者其為心術德行之害有不止
於物欲之惡者而後世楊墨釋老鄉原子莫之孝與
凡世間之新奇可喜有有功而實為深害便於意見
操持之私而不利於周行流徧之公伊川所謂雖無
邪心乃為邪心文公所謂彌近理而大亂真者無非
害心害德者也古今天下氣質不齊有善有惡有強

有弱堯舜在上靡然帖然而定于一聖王不作偽言
偽行紛然而具舜執兩端龍作納言聖主明時猶為
此慮而况於伊尹之世去桀未遠奇袤之民偽妄之
說辨給之口當時固未盡絕伊尹於此固常惘然故
於將歸之日既以一德為太甲之戒以主善為主一
工夫而復慮有似善非善之惑不足以成其一故於
四句之中以協于一為未足又著一克字所以堅太
甲之常心俾於主一之中常致明辨之力使無毫髮
之雜始足以為一也克者能也與可字足字得字實
字相似克一者謂可以一足以一實一而非似一終

一而非暫一也蓋辨真偽察是非之辭恐其有害於
上下文之一德一心而立言也蓋所謂一德一心者
萬事皆理而無所間雜之謂也耳目血氣之欲固為
天理之間雜似是而非之道尤為純粹之間雜人欲
固為天理之害似是而非之害道蓋尤甚於人欲也
不雜之謂一無間之謂一一髮不可容一塵不可留
也天下之道出於天者萬殊而實一出於人者若一
而實殊出於天者雖異体常相為用出於人者似同
類而實相背馳如楊墨釋老其說誠足以動人天下
之高明俊傑皆誠以為善信其說者主之守之以為

其道即堯舜孔子之道其言即六經語孟之言貴賤
賢愚翕然惑之知者不能爭強者不能奪然天也見
神實怒之施之天下未嘗見其治而但見其亂加之
事物未嘗見其利而但見其害欲一之於道而終不
能一惟聽而容之而常自敗自沮終不得與吾道同
域又有一樣辨給之口剛惡之才能飾非為是強和
為正雖明者亦惑之而施之於用則其亂政害物不
可得而揜伊尹之所謂克一蓋為此等慮是蓋幾微
之論精切之意不惟太甲當知之萬世帝王皆所當
知也蓋萬理皆出於天而所謂一德一心純乎天理

者也人欲固為天理之害而似是而非害實為天
欲易明似是而非之害非精察不覺故伊尹作咸有
一德始之以克享天心終之以協于克一蓋以天論
則一毫不可容也篇中九九箇一字而克一之一乃
為究極精至是為伊尹用意盡處而十六字之指歸
也前面七箇一字固防人欲之間雜而克一之一乃
深慮似是而非之間雜無人欲之間雜已為善為一
若猶有似是而非之間雜則尤為人欲而其所謂善
者不勝惡所謂一者不勝二也天心王心二字首尾
若為相應克享克一二克字亦似相通是皆究極透

微無內無外之意也大抵伊尹之辭主於明辨所謂
主善者猶為未定之善未成之一至協于克一然後
為始定之善始成之一未及一貫一原之一也且當
循文理而明其立意之所趨若遽以主善之善為萬
善克一之一為一本則此一字與前後八箇一字不
相通而於伊尹之辭意為未詳矣

亶聰明作元后元后作民父母

君道惟一實而已而實不實之分在於血脉之通塞
夫天下猶一家而君者家之主民者家之子弟也有
子弟者必盡其所以教養之道而後得為主之實不

然則居其位不盡其事其所以然則有其故何者主之道惟耳與目一家之事耳有不聞目有不見非所以為主也不見而以為見不聞而以為聞皆非主之道也不聞不見則不知其失所而自不知其所以養不睹其非理而自不知其所以教主也者居教養之位任教養之事者也不知所以教養則主之名雖具其位雖尊而於立君之本意斯民之仰望媿負多矣而其病在於聞見之窒是故必有聞見之實而後能盡教養之實必盡教養之實而後足為君道之實武王誓師曰亶聰明作元后元后作民父母其義在此

古之人有言曰為君難非為君之難也盡君道之實之難也夫子曰必也正名乎正名也者君之為君臣之為臣父之為父子之為子也君也者主也一國之君一國之主也天下之君天下之主也一事不聞不足以為主一物不見不足以為主主也者下之所恃以生所依以立者也恃以生而有不見不聞則生之道必不周依以立而有不聞不見則立之道必有歉生之道不周立之道有歉則為之主者不期而媿其位負其職而失其所以為主矣失其所以為主則民之命莫知其所底止矣為君之難不其然乎是故古

之為君者必顧念其所居之位所職之事四方萬
之遠必欲其無不聞繩樞甕牖之中必欲其無不見
有飢有寒必盡其母道以養之有非有僻必盡其父
道以教之飢寒不可也飽煖而不孝不悌不正不直
不可也飽其飢煖其寒而復正心脩身講礼明法以
正其淫朋比德之非夫如是而後為君以其有聞見
之實故也何謂聞見之實急民事盡民心正民德防
民欲去諛佞絕壅蔽使鰥寡之情悉達於上而正邪
善惡之俗毫髮莫逃若舜之闢四門明四目達四聰
而後可也夫是之謂聞見之實聞見實而後教養實

教養實而後君道實泰誓所謂亶聰明者蓋兼下二句而共一亶字也亶者誠實之謂亶聰明者實聰明非不聰不明亦非作聰作明也如是故得為元后元后故能作民父母父者教也母者養也君道之實也元者体仁長人渾全無缺之謂君德之實也實其德而後能實其道而其德之所以實無不本於實聰實明六合四表無有見聞不到之處故能實其教實其養而無忝於生民立君之實意也天下一家中國一人而血脈不通痿痺不仁痛痒不知豈足為体仁長人之君哉古之人事亡職思其居而君民上下禍莫

於壅蔽而尤切已有人民社稷之責者其亦知所敬哉

天乃錫禹洪範九疇彞倫攸叙初一日五行道不行百世無善治孝不傳千載無真儒程子之言也而其所謂善治之道真儒之孝猶有可言吾之心正則天地之心亦正吾之氣順則天地之氣亦順此朱子之言而其所謂心正氣順者中和之外猶有可言是蓋古昔聖賢相傳之至孝所以脩身為治之要自黃帝至箕子武王世守之而後世之君臣心思論議皆未嘗及太史公作五帝紀多鹵莽麤畧而其採

之傳記之間往古多其道術之要若黃帝紀所謂治五氣順天地之紀幽明之占死生之說存亡之難時播百穀草木淳化鳥獸蟲蛇旁羅日月星辰水波土石金玉勞動心力耳目節用水火材物頌頌紀養材以任地載時以象天依鬼神以制義治氣以教化帝嚳紀取地之材而節用之與其動也時皆古人道術相傳見之紀載猶未泯滅讀者皆未之思也自太極而陰陽陰陽而五行五行而萬物五行者太極陰陽之所載而萬物之本根也物之得之不能無偏而人獨得其全故人道得而五行順五行順而萬物若古

新聖人之所甚重也。以為人得五行之秀而生氣則其形而理則其性也。性正則形正，人之性形正而五行之理無不得其氣，無不順人者，天地之心也。心正則四体平，此經綸天地治民理物之至術。故君自黃帝顓頊高辛世守其孝，唐虞夏商以至於周，臣自常先大禹稷臯陶以至於箕子周公，其孝不墜其用功起於脩身齊家，其極功至於四靈為畜，然常求之黃帝顓頊高辛之治，五氣節水火，舜禹臯陶之脩六府，撫五辰，啓言有扈氏威侮五行，箕子之陳洪範論汨陳先儒率皆未精其說。蔡氏書說論修六府，但取

其生克損益而成五穀此天之所為人未必能與也
雨水也暘火也燠木也寒金也風土也時行休咎二
徵百穀之所以成不成也而非人之所能為也人之
所能為惟有敬五事以感通之而已玄冥之為水官
闕伯祝融之為火正益之掌火若艸木勾龍禹之為
后土司空共工垂之世官是亦金木之職竊意當時
五行有官不過順理任宜愛養撙節用之以時以禮
祀之以方以色而已至其所以為雨為暘為燠為寒
為風而成百穀固非五官之所得為也禹平水土而
地平天成竊意禹之精義當不止此鯀之汨陳非但

陳防壁過即其方命圯族之心則其言行舉措無一
得所禮運有言鬼神以為徒五行以為質以鯀之言
行觀之豈得與鬼神為徒而五行之神亦豈肯與之
為徒哉天乃錫禹洪範九疇豈惟以其治水順理亦
以禹之心正身脩而常闕

洪範九疇

人之一身實與天地相通合而為一天下之人往
自輕自小不知自貴自重細看洪範一篇可見洪範
一篇出於箕子今在天下二千三百年矣孝者讀誦
不為不熟解釋不為不盡以今觀之猶有當考詳者

一篇終始列為九類九類之中主以皇極而列之中
猶有精意土之者猶有要道何者終始二疇皆天之
所為其中七疇則括之以人之五事而主之以皇極
二五事者人之貌言視聽思也八庶徵者其應也庶
徵雖出於天皆人之五事之所成箕子所陳為可考
也本其本者天之五行故一五行而二五事應其應
者天之五福六極故八庶徵而九五福六極自一而
順數之五事居二自九而逆數之五事亦居二也終
始括之以天其間七疇括之以人之五事而主之以
皇極其意為可見矣何者人道之得失善惡惟貌言

視聽思之五事正與不正而已皇極者奉天之命修
天之行自正其五事以正天下之五事天下之五事
皆正則貌之正其應時雨言之正其應時暘視之正
其應時燠聽之正其應時寒思之正其應時風五者
皆得其時則萬人萬物皆生死於五福之中不然則
一人之五事不先正則天下之五事皆不得其正天
下之五事不正則貌之不正其應恒雨言之不正其
應恒暘視之不正其應恒燠聽之不正其應恒寒思
之不正其應恒風五者不得其時則萬人萬物皆生
死於六極之中然則人道不出於五事而皇極者五

事之主也皇建其有極亦惟正其五事以正天下之五事而已人之五事正則天地萬物無不順然則人之為人也其身豈不為至貴君之為君也其責豈不為至重而箕子之所以為箕子也其行豈不為至善哉然則八政五紀三德稽疑之四疇將何所主曰四疇皆以人事之要而列也何往而非五事之所在哉

曰休徵肅時雨若

召和致祥一敬之功也敬之功大矣主於敬則天理流行而天亦從而順之為人君者其可無主敬之定力哉曰休徵曰肅時雨若主敬之功也二帝三皇之

書以堯典為首堯典以欽為首一欽之功至於於變
時雍而其極功至於格于上下舜之精一執中禹之
祗台德先湯之日新又新文王之陟降左右順帝之
則武王箕子之講明所謂肅時雨若者無非堯之一
欽也欽者敬也主一無適之定力也其體則收欽身
心不容一物其功用至於與天為一而五行庶徵無
不和休祥無不至也時雨若者休徵之首而皆一肅
之流行箕子武王之深意不可不詳觀也兩者生物
之最先故為庶徵之首雨時則暘時在其中雨暘時
則燠寒與風自無不時故雨時為休徵之首而其所

以時者人君主敬之定力也主一敬於心則形之一身之卒動自無不敬故貌之肅皆心之敬中庸所謂合內外之道也如是則無人欲之雜無斯須之息則專一之功自至於直遂翕聚之用自至於發散靜則為乾之專坤之翕動則為乾之直坤之闢而雲行雨施之功自是而出矣所謂格于上下者也時者收斂發散各得其中無過不及若者君道然而天道亦然也主敬功夫亦惟允執其中而已心必形見於貌上無不本於心故心有允執之定力則貌自無不恭此時雨若之功出於肅蓋以表裏之洞達也二帝二王

之體用亦惟合內外而一天人耳

肅時雨若

為君難者天人之道相通為一而不可以貳焉者也
貳則天人離矣非有持敬之定力不能不貳者也箕
子告武王以休徵而以肅時雨若為首歆其無貳者
也讀書之法當深觀古人之用心下語若洪範九疇
之八庶徵讀者往往輕視之但以為雨暘燠寒風而
不思其所謂徵者蓋以天道為人事而責之於已也
徵者應驗也雨暘燠寒風之休咎天也以為五事善
惡之應驗則非天也人也雖天而實人之所為也然

則人之為人乞主下直而君之為君也豈不難哉先之以休徵者生物之心也咎徵者物之害而休徵者物之利也休徵首之以肅時雨若者雨之生物為最先雨時則五者無不時也而其所以時則貌恭作肅之應雨為五者先而敬亦為萬善首天道人事若相期也主一敬於心則形之貌無不肅貌無不肅則言之從又視之明哲聽之聰謀思之睿聖不期而自至故雨時而四者亦從之也五事之用本一敬庶徵之時本一肅箕子之立言亦可謂不苟而可觀矣時雨為肅之應當詳觀蓋專一之直遂翕聚之發散而其

所謂時者莫非無過不及之中是亦天之敬也君以
敬為感故天亦以敬為應故謂之若若者如之符之
者也咎徵之應亦若是已矣然則人道豈可以不敬
君者人之主豈可不以主一為先苟有一毫之雜一
息之貳則咎徵生矣休徵行則五福生咎徵行則六
極集然則君道豈不難哉或曰貌之恭肅疑不足為
敬也曰貌者一身舉動之容敬者徹表徹裏之謂中
心斯須不敬則慢易形諸貌矣貌無不肅則心之敬
可知矣箕子之言豈徒以外貌教人而時雨之應豈
表裏之不一而能得之者哉

石堂先生遺集卷之四

石堂先生遺集卷之五

朱寧德 陳普 尚德

講義

詩

關關雎鳩在河之洲

關雎一篇男女之正而首句之興便已具全篇大意
關七雌雄相應之和聲也關之為義通也彼此相通
之意也然則關七雎鳩得無若前輩所謂樂意相關
禽對語者乎以為相應之和聲則是可謂之通可謂
之相關矣謂之關七又含不舍之意而本篇之寤寐

之求琴瑟之求鍾鼓之樂與栢舟之所謂髡彼兩髦
實惟我儀之死矢靡他之意皆已見於此矣雖鳩江
淮間有之文公信用先儒註釋以為摯而有別謂其
情意深至而有別也情意深至亦栢舟之義情意深
至而有別則於相和相愛之中而未嘗無如賓之禮
是為得男女之正也又謂其生有定偶而不相亂偶
常並遊而不相狎生有定偶而不相亂則從一之義並
遊不相狎亦如賓之禮也又謂人未嘗見其乘居而
匹處者亦夫婦之道也古者夫婦雖居室中未嘗無
別士昏禮卽席在東婦祗在西是也同室而不同位

磨別之至也在河之洲亦止其所之意也

悠哉悠哉

五經無一字一句無義理不用心看紛紛眼中華周
心看句上韶濩字上膏粱如閑睢悠哉悠哉一句儘
有意味文王之心片時半刻竹盡天下見到百世詩
人皆爲其心亦不爲無見矣家人之道利女正女正
則家正家正而天下定豈惟天下社稷宗廟無疆之
福皆在其中易詩書春秋四經之首皆備陰陽男女
之礼而詩之感人深故他詳悠長也哉者深遠之辭
再言悠哉意亦深也阜陶謨發明迪德之旨主於身

修思求有天下國家者苟無百世之慮則德日衰而
治安不久矣周家八九百年之祚起於二南二南起
於閔雎文王之心天地民物國家之蘊也故當其未
得淑女則寤寐思服其所思所服者豈不曰宮闈祗
席萬化造端君德盛衰廢政美惡天下治亂人物消
息國祚短長皆係焉幽閑貞靜則女德正而陰道得
好德不好色則思無邪而百為善逮下不妬忌則貴
賤序而子孫蕃誠使情欲之感無介乎容儀宴私之
意不形乎動靜則為四海元化之福宗社綿亾之膺
如其不然禍亂將無涯矣禍莫大於好色德莫惡於

請妬古今所畏莫甚於后妃不安其位傾外廷之事而交外廷之人縱欲敗度不出於閨門而禍及于天地萬物草木魚鱉亦不得其所也伊洛竭而夏亡河竭而商亡日月告凶不用其行高岸為谷深谷為陵牂羊羶首三星在留而周亡皆女禍也褒姒未生而西都之事已耿然於文王胸中矣悠哉悠哉所謂周萬物而及百世也大槩一國一家有人有土不以大小上下皆不當為淺近之謀為君難者一日二日萬幾之不可忽也况於家道之善惡女德之正邪為理亂存亡之大幾乎衛武公年九十作抑詩以自警曰

討謨定命遠猶辰告敬慎威儀惟民之則討謨大謨也定命遠猶天命也遠猶遠圖也辰告及時預相告戒也敬慎威儀惟民之則正身正家以為天下之法也此老成成長慮之言文王未娶之年已先得之而唐明皇以七八十暮年其心衽席之鵠以幾亡其國亦獨何哉

篇

人於天地間惟心而國於天地間惟家心正則一身無不善家善則一國天下之事無不得一國天下之家正如一人之身之心是乃萬世不易之道而為人

君者之所當深察而重念也。葛覃一篇是矣。篇中本
意主於后妃不廢女工而一篇之善凡三皆不廢女
工之所為。二南之善凡二十五篇亦葛覃一篇之所
致。正孟子所謂守約而施博之善道。秦漢以來為后
妃而服澣濯之衣者寡矣。葛覃之后妃其所服之衣
蓋屢經澣濯而不棄也。古之為女者未嫁必有師。已
嫁復不離此法制之善也。至於尊嚴恭敬動止必咨
不止於空名虛位者則葛覃之末章可見矣。父母在
一歲一歸寧禮也。然所謂寧者嫁而能盡其婦道禮
義不怠室家咸宜然后足以安父母之心。若春秋之

夫人內女其歸寧者固多矣至其賢明識道恭謹○
無過足以慰父母之心者二百四十二年之中自宋
伯姬許穆夫人衛莊夫人秦穆夫人楚文夫人之外
其礼義之守可以必其不愆不忘者固亦少矣而况
於故詩載驅墻茨中菁之詩其為父母兄弟社稷宗
廟之憂得有不可言者乎葛覃之所謂歸寧州徒父
母在之礼也有善之可稱無過之可言足以慰安父
母之心而免於在家不教之責也此一篇之善三也
而以為皆生於不廢女工者以后妃之不廢女工則
庶無不愛敬者可知一此篇之善三皆一愛敬之心所

為也二南二十五篇其二十篇皆婦人事也閔睦后妃之德淑善幽閑也卷五后妃思念其君子竹役之勞也樛木后妃不妬忌也螽斯后妃不妬忌而子孫繁多也桃夭采芣苢漢廣汝墳鵲巢采蘋草蟲采芣苢露殷雷標梅小星江汜死麇濃矣凡十五篇皆二南風俗之善女德之正陰道之得而皆后妃之化不獨桃夭所致也兔置羔羊甘棠皆丈夫男子之善序者說者皆以為后妃之所致麟趾騶虞王者之瑞而實皆文王家齊國治之應也愚嘗以為后妃之德凡五篇而一篇足以貫之二南德化本末合二十五篇而

五篇足以包之閔雎之淑善幽閑美德也非有葛覃之不廢女工卷耳之專一樛木螽斯之不妬忌其足以成閔雎之德乎人心之明見彼則曉此聞一則知二知十苟不廢女工則必能從一不妬忌矣能從一不妬忌則必不廢女工矣鸛鳴為婦人之本故閔雎為二南之祖而葛覃為二南之宗三百篇首閔雎而次葛覃正不為無說也何者居尊崇富貴之位而不忘敬姜之晝績則其心正身脩而萬善之所從生萬化之所從出者可以坐見而無疑是故五篇者葛覃之所成桃夭以下十五篇葛覃之所化夫十五篇之

婦人苟有一人或以富貴或以怠惰而廢其黻績之事則豈能于婦而宜其家人乎豈能和平而有子乎豈得而有采蘋采蘋之恭敬漢廣行露死麋之節操汝墳草蟲殷雷標梅之專一小星之不妬忌江有汜之遇勞無怨乎鵲巢不知何國夫人濃矣不知何代王姬苟或耽於富貴而以女工為耻其足以成百兩之礼而得有肅雝之德乎是故十五篇之婦人皆尽心於締綌而服之無斃者也不然不績其麻市也婆娑淫佚驕妬無往而不為矣善惡之分一間而已女工廢則惰上則衆惡集而禍亂生矣安得成二南之

化乎風俗化則無不淳女正於內則男必敬於外是
故兔置羔羊甘棠之美亦無非葛覃之所感召所謂
為政以德譬如北辰而衆星拱之者也推廣葛覃之
心以成二南之化則天地以位而萬物以育麟趾騶
虞之祥亦在是矣豈非守約施博之善道乎男耕女
桑人道之所以立也故天子諸侯親耕以共粢盛后
夫人蠶繅以為衣服所以率天下之民使之皆盡其
職也處至尊而甯心於農桑締綌之事者一以勤儉
其身而不生怠惰淫佚之心二以重民生之命而使
天下之人以桑麻五穀為金玉三以率天下之為男

女者以為至尊猶且為之垂簾小八其放下風夜于
四以正天下之心使之一亡勤儉務本而放心不生
致心常存自然孝弟恭敬慈愛而朋淫惡德可以不
禁而絕天地萬物可以皆得其所諸福之物可致之
祥亦不期而至矣故曰人惟一心天下惟一家耳一
事得則百為皆善宮闈勤儉孝敬則天下皆二南之
風夫是之謂德夫是之謂化夫是之謂無為之治夫
是之謂正其本萬事理有國有家者其可不深察而
重念之乎而正身以先之萬輩之善皆文王之身有
以成其后妃之德美二十五篇皆萬輩之化而太姒

之貧則文王之所成也不然則又如文公詩傳所謂
詩序但識后妃而不復知有文王者矣

召南羔羊

礼曰幼子常視毋誑謂其血氣未動當有以養其耳
目一其視聽以全其真淳而為少壯成立之基人之
交物莫要於目蔽交於前其中則遷欲之不可禁者
以目之接不得其正也此雖強盛之年知方有守之
士亦或失於墻壁之不密備禦之不豫而況于幼子
未知善惡而惟物之從乎故古之愛其子者常以法
度之物日用之不可無者示之其非法不度足以害

其目而搖其心者痛除深屏不使至於其前故其視
聽有常表裏不亂至於二三十年躬之教詩書聖賢
之孝有不符鞭策勸勉而沛然以趨之者何也其本
端而其事習也君之於民也亦然民猶子君父母也
父母之於子愛之教之無不至君之於民也愛教兩
盡始無忝於為君故曰天降下民作之君作之師惟
其克相上帝君者所以愛之養之師者所以教之成
之也此天理之當然天心之所在故曰克相上帝謂
民皆天民愛教二者君之所以代天者也康誥曰若
保赤子夫所謂若保赤子者豈徒愛之育之其所以

為之謀者固無所不忠也民之為道也耳目口鼻各
有所欲而耳目者物之所集心之和正昏明安危理
亂之所關也二者之中目為尤甚是故不役耳目百
度惟貞而不見可欲則心不亂礼以養目樂以養耳
而聖門四勿以視為先是故古之君人者昭德塞遠
守法持正去奢從儉厚質薄文以為天下先凡服器
飲食宮室車輿步趨行止會遇交接在群黎百姓之
目中者大自日月山龍小至藻率鞞韜大白明堂清
廟小至黻條軍容大自知婦朝宗小至飲食講問君
臣上下各加持守交相警勅凡理法度數之當然不

敢有一毫之踰越一日之放逸者所以一天下之耳目而定民志也其理義之自然既有以得生民之常性而不待於作為其執守之確然復有以養天下之淳風而不至於惑亂所以三代之民札教之俗常如魚在水草木在風雲雨露中但有生長收歛而莫知其所以為之者此其所以為盛也吾嘗味召南羔羊一篇而知周之所以為周文王之化近見於振振之公子綢直之士女讓畔讓路之小人而遠見於南國之在位五紘五緘五總服之不貳也退食自公委蛇委蛇貌之無欲也所謂心廣體胖是也足有欲者必

見乎四体古之所謂失足於人失色於人人之視已如見其肺肝者皆欲之誠於中形於外有不能以自持者南國之大夫其衣服不貳而其行止進退從容有常如此文王之道化於是為深矣由其如此故以刑其家則有采蘋之法度草蟲之自脩以臨其民則有漢廣之不可犯野有死麕之如玉南國之大夫如此則岐豐之大夫可知岐豐之士女民庶皆小大之臣咸懷忠良之所化則夫漢廣死麕之俗豈非在位之節儉正直與大夫妻之法度齊敬有以感動鼓舞而使之然哉虞芮之不爭不但愧其民之諂路諂

是亦燕見其大夫士女從容澹靜有禮無欲足以刑
其闕辨貪競之惡耳漢廣死麕之女固皆文王太姒
之化是亦南國臨民有位之人朝夕在其目中其有
常不競脩身齊家之風足以相薰相翼而趨於善也
其色不可犯其容不可誘則其衣服必整齊坐立必
端方行步必詳雅語言必謹靜故曰舒而脫也兮無
感我愧兮無使死也也吹此其風儀容止至今猶使人
起敬若如唐之水邊有麗人衣裳照暮春凝粧耀洲
渚繁吹蕩人心者又豈有不可犯之色不可誘之容
哉嗚呼有自來矣夫欲之不可禁也若火之燎于原

使在上有位之人不深恩而敬守之則天下之心莫
知其所止矣夫十二章之尊卑多寡之難辨舜以此
事責之耳目股肱之臣豈不欲其制節謹度詳其辨
而持其常以定天下之志哉易曰上天下澤履君子
以辨上下定民志古人之所辨衣服車輿居十之七
八矣使如賈生所奉秦人之餘風以告漢孝文者天
下之欲豈得而禁哉古之王者闕譏市察異言異服
志淫好辟皆所必究使有位者不先謹於其身其家
則民之不從其令而從其好者豈闕市之所能禁哉
有荆子臧聚鵠冠楚子王作瓊弁春申君曳珠履

秦張儀誇車騎輜重商鞅廢井田蔡冀闢始皇作阿
房漢武起建章而王制遂盡壞天下之俗惟欲是從
莫知紀極四海之內皆札記所謂無方之民也而况
於金谷之步障新豐驪山之錦綉有國有天下者不
為民人社稷之計有家亦不為子孫之計上下交逞
其欲不惟爭民施奪而又以生姦雄胡羯之心然則
三復羔羊都人士絢衣羔裘之詩安得不使人重傷
今而思古哉純總雖不可詳大抵皆縫之義五其數
也絨疑有界域之意是其限也推此則純總可知羔
羊之皮或者以為取其有礼則夫狐貉豹舄之類豈

有所取而為之讀詩者優游涵泳取其声音氣象以
為存心養性之具可也或有古制之不可詳而必穿
鑿以就吾之私說則反有害於溫柔敦厚之全體矣

招招舟子人涉卬否

世之所共趨而我獨否有欲者接武累迹蹈覆轍耳
心焉而畏天顧義不棄其所性者寧餓死而不往此
易所謂同人于郊者也一陰居二初三四五四陽爭
趨之近者比而不去遠者應而不答伏我以俟之垂
壻以攻之大師以取之失之則號咷得之則喜笑一
尾在野爭之府也惟上九一爻不應而近獨出四陽

之外故為同人于郊者國之外也惡衆陽趨競之
卑脩然物外寧無所得而不入雞鷺之群也如此等
人似寂寥無味實天使之格乖俗障顛波立於高朗
蕭閑之地為群迷之燭其所關係為甚大也無斯人
則天理滅矣在詩則曰招、舟子人涉叩否招、舟
子相呼相命而往也人涉叩否利欲之塗義不可往
衆共趨而我獨止也蓋所謂畏天者也顧義者也不
棄其所性者也有守而不隨寧淡泊寂寥窮死而不
肯為利祿之徒也蛾蟻於眩蠅沒於逐爭利者死於
利徇欲者亡於欲惟物外不競之人雖躡原憲之屨

衣子路之袍而自天佑之安樂壽考以終其天年故
同人于郊而無悔之道而四陽者皆有悔者也人涉
印否豈惟不棄所性是亦全身之道世之相呼相命
趨利祿之塗者視此可以鑒矣或以初五二爻無過
者也何以罪之曰易象然也自上九視之四陽皆利
欲之徒逐爻觀之則初五始為無過也曰上九不與
衆同而猶曰同人何也曰爻辭相因之例然也以為
君子未嘗不與人同同人于郊則同而不和同而異
者也如此說亦無不可矣

女曰雞鳴士曰昧旦子與視夜明星有爛

人與天地混合而為一故其一動一靜亦當以天地
為準則不可有一毫相戾處然后氣正體平德脩業
成無愧於天地而與之並立故曰進德脩業欲及時
也又曰終日乾乾與時偕行又曰茂對時育萬物及
者如二人相隨行當相及而不相先后偕行者兩皆
不息對者此然而彼亦然也夫彼然而此亦然彼不
息而此亦不息則性與理相得氣與氣相順所謂不
愧不怍而萬福之所由生也是故禹惜寸陰成湯昧
爽丕顯周公坐以待旦孔子責宰予晝寢子路為季
氏宰質明而行札宣王晏起姜后脫簪待罪古之聖

賢明哲不論有位無位莫不夙興夜寐孳孳汲汲其
下化之皆洗刷自治日新又新雞鳴而起嚮晦乃入
大則天下之事小則一家之政如鄭風女曰雞鳴聲
雞鳴二詩可以見其君臣上下長幼男女存心德業
一動一靜無敢與天地相違者也日行一日繞地一
周入二刻半始昏出二刻半先明故夜常短於日陰
常缺於陽雖春秋分亦然不必夏也未出二刻半咸
池先浴赤霞上騰六合清明故今高麗古謂之朝暉
以海色先見也此前二三刻中光明未晡兆朕已動
生物無心而虛靈動靜常與天應故雞為之鳴而人

之寢息至是吐動醒蒼毛髮洒淅百慮感人不可生
安於是男女皆歛簞獨席擲縱衣冠問寢視朝拂髮
而明風生開戶而天地曉當是時也萬物並作而人
可不然乎旦氣清新萬事脩率女僮匕而中饋士跲
匕而在朝夫是之謂順也家人之道女正為要故二
詩皆女先於男女曰雞鳴警其夫也士曰昧旦恐不
逮也子興視夜復促之也明星有爛則天將明日將
出矣鄭之貧女戒其夫於雞鳴之時而齊之貧妃勸
其君於未鳴之前故誤以蠅聲為雞聲月出為東方
明其聽之諦而視之久於鄭之貧女尤為早也千載

之下誦其詩想其事好德而不好色懷德而不懷安
敏疾而恭敬堅貞而清明在上則元首起而股肱喜
百工熙而庶事康在下則身脩而家齊德崇而業廣
婉而言之血氣和平耳目聰明壽考惟祺介爾景福
夫然而后可以為成人矣日入而為夜日出則為晝
朽木糞牆之戒不止於亭七日中者也煌煌東方星
柰此衆客醉此厲王俾晝作夜之事而后世以為常
大小宋文章焜耀一時而為鄭良霄魏曹奐何晏整
谷窟室之為自誇聰明僥利不知其鼓一世之人相
與徇欲以重鬼神之怒也覆轍往矣咸與維新不在

於吾徒乎隋唐以來鄭聲流行不息而蘇黃之流復
漲其流故風俗日惰宇宙日昏國家日亂以至於大
變此事未有以為言也詩云夙興夜寐黜掃庭內維
民之章又曰夙興夜寐無忝爾所生衛武公年九十
有五猶以此自警也可不戒哉可不懼哉明星謂太
白說者謂啓明為水星非也長庚啓明皆太白水星
去日極近遠而不過三十餘度可見之時少惟太白
不夕在西則辰在東亦觀天者所當知也

七月流火

天萬化之祖日萬化之宗天運每日過一度為欲與

日會也日運每日泝天一度為欲與天會也天日會則為一年而萬化成古今之行信有常矣然有歲差之法謂天與日每年各退若干分天以左旋退而東日以右行退而西以唐一行之法推之不滿八十年天日相差共一度曆減半日天官灵臺積候驗之蓋信然也其法可曉而談經儒者多未察蓋不但堯典中星與日合日在今皆不然如七月流火定之方中之類今皆不可據矣大火心星也流下也七月夏七月其詩則言公劉時事也虞夏時立秋日在箕軫公劉后稷曾孫當夏后之時故日沒星見而太

火傾倒于申未之間由田野而覬則流而下也人火
赤色陽盛故昏中而炎熱西流而寒至九月授衣謂
寒之將至也孟子曰苟求其故千歲之日至可坐而
致也天七月而火流所謂故也故則可求而今不可
求也日麗中銜小暑已至而火猶未中也秋風旣生
寒蟬已鳴而火猶未流也以二十四位候之立夏態
熊始出於東方芒種夏至高臨辰巳大暑立秋正中
千午白露秋分而后知風之西流可歌也本以候寒
暑而漸與寒暑不應可疑也非但今可疑也循今已
往千載之后復如公劉至今則當八月中而九月流

又千載后則九月中而十月流又千載后則十月中而十一月流蓋可疑也自公劉至今已差四十餘度則自今至于千載之后可懸知也此則孟子所謂可坐而致然氣運與列宿不應可疑也左氏龍見而雩龍者蒼龍介休而大火其中也見者全體皆見也建巳之月北龍見則火浸昌有旱之理故雩祀上帝為百穀祈雨然今建巳之月火始出全體之見在芒種以后使國家行雩祀之禮不可待也不待龍見而雩於義復無據也火伏而后蟄者畢而火未伏火景中而寒氣退今寒已退而火未中定方中而宮室作今

製功畢而定猶在木也猶有可疑者北斗天之綱紐
十二月均建各指地之十二辰所以應天運而昭萬
目也自歲差以來杓攜龍角魁院參首如故而卒頭
望之雨水猶未建寅春分猶未建卯千載之后其遠
又遠此不可之尤者也周秦以來月建在子日在星
紀月建在丑日在亥枵其餘東而相互皆然此陰陽
穿所以有子丑寅亥卯戌辰巳申午未之合也隋
唐以來益相違去今則月建在子日在尾箕月建在
丑日正在斗月建在寅而日在虛危月建在亥而日
在房月建在卯而日在室壁月建在戌而日在軫

角月建在辰而日在奎婁月建在酉而日在翼軫月
建在巳而日在昴畢月建在申而日在星張月建在
午而日在觜參月建在未而日正在井六合大體皆
相背各及下旬始稍相應復七八百年則月建子而
日全在寅月建丑而日全在丑月建寅而日全在子
月建亥而日全在卯然則謂子與寅合丑與丑合卯
與亥合辰與戌合巳與酉合午與申合未與未合可
乎月建十二月斗杓昏建也律中黃鍾而建子蕤賓
而建午其常也今不惟日在之辰與月建不合而月
建自與十二月不相應蓋律中黃鍾而年杓節相建

亥行中繼賓而斗杓昏猶建巳陰陽家世守六合之
說而故事皆罔聞知是亦羲和之昏迷矣日在不合
猶可說北斗不建實可疑易曰觀其所恒而天地萬
物之情可見矣此非所謂不怕者乎切嘗妄論所謂
常者有小有大有一日一月之常有一歲一世之常
有千萬世之大常歲差者天之大常也以八十三
年一度推之蓋三萬年而差一周自堯以后三萬年二
至二分日在與四仲鳥虛大昴依然子午卯酉四正
復如堯時然則堯舜禹之精一執中與時雍之治可
復見也但吾黨不得而與爾此豈天地之一大常乎

孟子之言易傳之說千載亦可萬世亦可固不可以
一世觀也

東山采薇杖杜

一帝三王與秦漢以來之用兵其旨意甚不同者尚
存於詩書而儒者多未詳不但上之人未之講也觀
之東山采薇杖杜亦可見東山者周公之勞歸士也
首章但言滔滔不歸則但有日月之久而未嘗有戰
攻之苦死傷之戚矣繼之以我來自東零雨其濛亦
惟述其在途之勞而已我東曰歸我心西悲則但有
思歸之人而無不歸之士制後裳衣勿士行枚則三

卒在東有行陳旣收之事而未嘗有死亡之人踊踊
者獨烝在桑野敦彼獨宿亦在車下道中觸目感興
之事苟有殺傷不歸之痛又何暇於此若已無死傷
而同行者有之亦當為之傷痛而不暇及於此矣后
章伊威蠨蛸町畦熠燿果贏栗薪之類叙其不歸之
久而廬之荒也若有殺傷死亡則得歸為大幸而此
等皆不足道矣鶴鳴於垤婦嘆於室嘆其道途被雨
之勞苦也脫或寡人之妻孤人之子獨人之父則舍
其四隣慟哭之聲而但述其一家思歸嘆兩之情亦
豈在上者之心哉末章所謂親結其縞九十其儀其

新孔嘉其舊如之何充足以見周公之東征全師制
勝不輕用人不得已而起完全而歸但有三年之勞
而無喪敗之事九十其儀者新娶之禮也其新孔嘉
其舊如之何者述其夫婦新舅遠歸之至情也借其
隣里卿黨有哭死吊傷陳衣設奠之類則為此詩者
亦誠何心此孔嘉而彼何不淑其舊如之何矣其身
膏草莽求無相見者又將如之何哉置死亡之至哀
而但叙生全之深樂亦可謂不仁是有國有家寇亂
寧免征伐備禦無時可撤因非其奔人非牛羊出營
還或歸必勞正如采薇杜東山者皆古人用兵之

則例征苗之師伐桀代紂之兵征有德義和伐見方
之旅當無不然非但文王為然如是而后足以盡上
之仁如是而后足以盡下之忠如是而后可以用民
如是而后可以享國是故采薇之遣戍不慮其死亡
傷害而但關其行道之饑渴雨雪之苦辛則文王之
制昆夷儼仇者必有其道必不至喪師殺人知杖杜
之勞還歷言女心之傷悲但以其夫道路之勞日月
之淹耳儼其隣里鄉黨有哭死吊傷陳衣設祭之家
則杖杜之詩亦何可歌十人而亡其二三則為之上
者有甌夷儼或至肝腦塗地則以禹湯文武周公之

心豈得自容於天地之間遣成勞還側也儻有一日
以死亡之多而不用則為人上者之慙亦不得寢食
自安矣此王霸之分義利理欲仁不仁之殊二帝三
王后世之不同皆判於此仁則行一不義殺一無罪
而得天下者弗為不仁則一日殺數千萬人不以為
愧仁則視民如傷愛之如子不得已而后用必不敗
而后舉不仁則牛羊用之草芥待之驅天下有父有
母有妻有子之人以逞一人之豪氣濟一家之私欲
仁則天下為一家不惟不欲殺已之人亦不欲殺敵
之人不仁則殘爛其民而復驅其所愛子弟以徇之

重於讀書爲儒而歸魏公升師魯亦有用兵當置勝
敗於度外之言好水之財五路之兵全軍皆沒父兄
妻子持故衣紙錢號於馬首當是時也使周公處之
當如何其慙作后世之人誰復以聖智稱之貧如魏
公但能一時悲憤掩泣而已未聞其以為終身之愧
負也嗚呼真儒之宰古人之心讀書者不知之久矣
讀書在前而論兵者至以殺人喪師爲常事是可爲
不仁矣野曠天清無戰聲四萬義軍同日死任其責
者不以爲罪尸其事者又愛其人古今土俗之不同
久矣其可不重思而亟反之哉或曰宋徽二章所謂

憂心孔疚我行不來豈非去而不歸之謂乎曰此二句與四章豈敢定居一月三捷相對蓋叙其以義爭上赴敵致死盡力戎行必勝無敗之心以微勸督之也君以為有死無歸則是致之死地若擊鼓之所謂不我以歸然也是豈為人上者之心而遣戎役之所當言哉

相彼鳥矣求其友聲矧伊人矣不求交生神之聽之終和且平

天下萬事苟可以達之天地鬼神則皆性命之所有義理之當然五典父子君臣夫婦長幼皆天命之不

至若朋友一倫其血緣似不相屬若為可有可
無可離可合而非天地之所設鬼神之所臨者然詩
人以鳥起興以神之聽之終和且平結之終之於康
意相關之禽語而合之於洋洋在上之鬼神則朋友
者固天地之所設非人力之所為也皋陶以為天叙
則朋友之義列之性命久矣允之大象曰麗澤允君
子以朋友講習講者相與講論以明理習者相與熏
冒以進德也若兩澤相麗和濡相說合而為一其為
天叙之一豈不然哉君臣夫婦父子長幼四者人倫
之大而其理之明德之成非朋友講習不可也故朋

友一倫所以成就乎四者雖居四者之后實有成就
四者之勢神之聽之豈不和且平哉朋友之義見
於易之兌卦致不為無意也夫兌者說也麗澤者兩
皆說也天命之性人皆有之而或不能以自足必得
朋友發明則一毫之間自有油然而說於心者其進
自不能已其生自不能息若無所說則其講孝則善
乃是強其所無則亦杆格齟齬而不能以相入矣講
習而說說而不能已是皆性命之道固然之理神之
聽之豈不和且平哉

獻酬交錯禮義卒度笑語卒復

度即度也度者事物本然之定理予之裁制已定者也
度者人心之同然心與理合蓋其當然所謂萬物
皆備於我者也獲得也得其理之當然而無所失亦
謂礼法已定而人事則有得失也獲者得之也不獲
者失之也射義之獲意正謂此所謂君中之則為得
君之道臣中之則為得臣之道子中之則為得子之
道父中之則為得父之道是也笑語雖微亦有當然
之理故曰笑語卒獲見得古人事無大小皆欲其合
理也卒度卒獲又可以見其詳到底至事之終而不
亂不迷也惟得之者少失之者多得之難而失之易

故謂之獲上者得之難也畢族田符之獲是也○度
即度也度其合於天理之制分數一定而非強裁也
獲得也得其當然也凡笑語皆有當然也天下萬事
無一非理于此可見

興雨祁祁雨我公田

尊君親上之心無人不可有亦在乎上之人有以得其
心耳君民上下天叙也苟得于天則誰不可有愛敬之
心然所以遂其心者在乎有以得其心得其心則得
民得民則其所受于天之性命蓋日用而不之知耳
興雨祁祁雨我公田尊君親上之心也而其所以然

者不無其故矣公田井田也九百畝中之百畝也所
則無不兩矣而特獨殊之別之者尊之也辭不為殊
之別之而復加之以我之一言則親之也辭也尊敬
而親愛尊禮而愛仁尊父而愛母尊天而愛地是故
天賦之定命而亦豈非井九百畝八家同井之制有
以使之得其生而開其天者乎禮義之性天也而田
之井則上之所以予其民者也吾想夫十千維耦之
時千耦其耘之際得無漉然油然而動其感恩戴德
之心者乎頌聲之作豈無所感而然者乎興雨祁祁
則其理尤深而源尤長也祁祁之雨不破塊之雨也

既優既渥既沾既足無助長而無不成者初初之雨也豈非肅若之效而燮理之功乎震凌淫潦彌月踰時怨咨之聲有不可止豈有厭於歌之頌之者乎井田以樂其生初雨以優其力有滄羹土之興禮義之心何可遏也是故田之必井所以成性命雨之初初又以起和樂二者上之所以得民之道也是道也非深求其故潛用其功以堯舜三王為本領以於穆不已為工夫有不可以一日能者若夫下之愛敬其上之心則固無一日而忘者矣

肆成人有德小子有述古之人無斁魯頌

士

無人不足以立天地無人才不足以立人虞夏之九
德商周之三俊前聖后聖所以綱紀天下惟立三才
其急務精意一在於此而其明功著績舉生成熟未
有不造端於夫婦發機於暗室屋漏之中者其功化
之神妙風氣之薰蒸如巨冶之鑄江海之涵四時之
育然莫非一人端本以起之主一以持之勿忘勿助
以成之天下之人見其成就人才之功格於上下而
不能跡其所自來非有淵深明哲之人不能見其本
末也大雅思齊篇作者未知何人今以其末章四句

觀之非深知文王道化之本末者不能也成人有德
自冠以上至于壯老莫不全其得於天者也小子有
造自八歲至十五皆有所作興造者造端開基之謂
謂其所以啓迪導養之者莫非正也非造端開基得
其正未必至於成人而有德也成人有德目前之用
小子有造方來之需也今日有德前日之有造今日
有造他日之有德也耆聞望也髦俊秀有德則名香
著聞有造則才器長茂然原其所自來則有天地四
時之功而人不之知彼成德有造之士亦有所自來
而者人才之成就本於文王之神化而文王之化之

所以神者有一息之間斷不能也故曰古之人無斁
耆髦斯士無斁則無間斷無間斷則神神則無所不
到在一時則洞達幽明在后世則無窮之用也耆髦
耆士之聞望才器而莫見其出於文王之謹獨故以
其出於士之身者深探其本而言之言此士之耆皆
文王無斁之所使此士之髦皆文王無斁之所成人
見其為士之耆而莫見其為無斁之輝光見其為士
之髦而不見其為無斁之精華非惟人不之知彼為
士者亦不自知其所以然也此章根本實在前四章
所謂無斁者蓋總太姒嗣徽音以下三章而蔽之以

一言也一篇之內惟太任之德不繫文王自太姒嗣徽音以下皆文王無斁之事二章合鬼神太姒家邦而言寡妻以見其造端家邦以見其功化宗公鬼神以見其精微三章則言其所以然者雖雖在宮肅乚在廟不顯亦臨無射亦保乃其所以惠宗公樂鬼神刑寡妻而御家邦者所謂無斁也肅雖宮廟無斁之著形不顯亦臨無射亦保無斁之精實也非無斁豈能洞達幽明至於此也四章則又首之文王之身以見其工夫之所到定力之所形至末章則遂言其功化之極深切久長為子孫無窮之用何者人才者綱

新入維持國家之具非惟宗廟社稷之新特亦天地鬼神之所依然其所以變化成就使其十德無不具功業無不成而為子孫百世之用此非言語之所能令法制之所能驅也學校庠序詩書禮樂不能無及其至也無一不本於君德而君德之成未覩不由謹獨也謹獨則為天德天德之行則有四海之功而無不成矣是故成人有德出於不顯亦臨無射亦保之中先儒嘗以大雅文王篇為周公之作以有無聲無臭萬物作孚等語也此篇本末大意亦然必非淺近者之言也古之人本指文王亦含堯舜以來皆然

之意射教古通用無射亦保言其平時工夫此無教則總其始終大畧而言也第三章在五章之中先言無教之實以為一篇之主至五章則括以無教二字以盡其功化之所至其首脉次序亦不苟矣又此詩作於成王時所謂斯士者正指當時之多士謂其風氣大成非但文王當身一時之用也可以見其深遠之功矣又謂之斯士亦衆多不之辭后世之士才德皆是自成未掌出於上所以常少而不多也

無射亦保正是戒慎不睹恐懼不聞

其德克明克明克類克長克君

治亂之位惟幾而后足以居之夫位之難者明之難也明之難者明於幾之難也明於幾則所以為教為治者皆不失而無忝於其位不明於幾則惡之萌不能絕亂之源不知窒萬事日入於非而一人之身其過多矣其德克明克類克長克君詩人美王季之辭也而其要在於克類克類者明於幾也明於幾者明於善惡之以類相從也如是而后為明如是而后可以為君為長此君道之所以為難也天生民而立之君以治之立之長以教之君長一人也而君之道主於治長之道主於教君君而長師也君師兼盡

而后是以為君是故為君難也何為君之難也一日
二日萬幾之難明也一事之非一言之誤或以貽四
海之憂一日之荒一時之忽或以致千百年之患幾
之不可不明有若是也天下萬事一陰一陽而已一
陰一陽者理慾善惡邪正公私君子小人治亂存亡
各以類而相從者也理之類至於為堯為舜為太平
為盛治萬人萬物無不得其所也慾之類至於為桀
為紂為衰亂為死亡萬人萬物無不失其所也忽其
明千尋萬丈不可遏也怠其源治天浴日不可止也
之相從理勢然也知類者辨之於萌芽不知類者

任其所生長知類者常守其善而防其入於惡不知
類者從其入於惡而不知其害於善若漢以黨錮亡
而起於和帝一日之用鄭衆唐累世女禍而起於太
宗一時之惑楊氏皆以類而從也是故三風十愆不
可有一有一則方以類聚矣創業垂統欲其可繼繼
者亦以其類從也古今禍亂之源如和帝太宗者不
一然必明而后見之必見之而后為明故大雅美王
季之德曰其德克明克明克類克長克君克明者若
長之道然所以克明者在於克類故再言克明而歸
之於克類以見其所以為明不然則不足以為明也

類之云者見幾之深明於方以類聚之義也方者物
理事情之所向動之初而事之始也所謂幾也向於
善則萬善從之向於惡則衆惡從之以類聚也是故
一陽生則朋來無咎一陰生則堅冰立至方以類聚
者也文王周公以易教人王季之克類父子祖孫之
家孝也君所以治長所以教教道得而后治道成不
善之教一時則天下從之而亂繼之后世則子孫效
之而亡繼之天下從之桀紂晉武唐明皇是也子孫
效之唐太宗是也而其源則皆迷於方以類聚之義
故也然則為君之難豈不然哉克若能也足以任其

事而不徒有其功之意讀者亦當知也繫辭以豫之
介石不終日為知幾而詳之曰君子知微知彰知柔
知剛萬夫之望知微知彰知柔知剛克類之明也萬
夫之望君長之謂也詩易之義有若符契皆聖人垂
教之精義也

帝謂文王無然畔援無然歆羨誕先登於岸
嘗謂吾輩事業常如耿舒所謂伏波將軍似西域賈
胡到處輒止聖賢事業如項羽救趙沈船破釜甌持
三日糧示士卒必死無還心又如趙奢擊秦軍一日
卷甲趨閼與先據北山上以待又如李牧破胡彘力

累年簡選練習皆百金之士不貪小利不信小人激
勸賞勸一一思奮然后用之千里不留行大槩聖賢
之於道惟無所係累故其靜也專其動也直一蹴而
可至吾輩於道往往為外物所誘內欲所累所見取
留於目所遇必膠於心故常稽留底滯至道無期有
皓首終不得一到堯舜孔顏之地者無所歸咎一一
在於有係累而不勇故也易曰係小子失丈夫係小
則必失其大無兩得之理也此四句是矣第五章古
註粗淺無義理毛謂岸為高位鄭謂畔援為跋扈歎
羨謂貪人土地先登於岸謂先平欲訟陋哉言也朱

子曰畔離畔援拔援也謂舍此而取彼也欲欲之動也羨羨慕也言肆情以徇物也岸道之極至處也人心有所畔援有所欲羨則溺於人欲之流而不能以自濟文王無是二者故獨能先知先覺以造道之極至也此与古註天壤隔絕大抵無所係累則其至道不難也凡天下累人之欲如富貴利達妍姿厚味人心惟危鮮有不為其所惑也又有其言邪說小利近功技巧辭章神仙釋老之類足以動心目役精神亂志气而奪操守者非氣質至清李力積久者不能不為之累也大則荒迷沉溺小則維綴憊留沉溺者因

惡至道之日係留者亦未有至道之日也惟聖賢君子道心常為主人心常聽命定力生於純一真勇發於清明無事則身心澹然一動則天理充滿故曰我欲仁斯仁至矣蓋無係屬與夾雜故其造道入聖自常人視之不啻千萬里之遠自聖賢君子視之常如咫尺之間戶庭之內也皇矣第五章純是此意畔謂旁去正道援謂扳取他物所謂鷓鴣却甜桃樹松山獼苦棗也凡去正就和合善取惡行所謂畔援也仁義忠信天爵尊榮素而不貴富貴榮達無非外物則殺心善形以來之所謂畔援者也堯舜孔孟之道九

之術膏粱之味舍而弗由棄而弗食至於諛佞之言
和柔之說晦冥之途根莠之種則甘心而願之悅首
而趨之什襲而寶之是皆所謂畔援也歆者見而勤
羨者歛而留蓋其所以畔援者也富貴紛華斯姿厚
味為此而動為以此而留者常人也至於權謀術數足
以小成則急於近功而不為遠圖者之所貪左道邪
辭新奇宏闊則又高明亢爽者之所喜也常人之所
係留固西域賈胡也詹迅高明蔽功名惑新異者亦
西域賈胡也易曰舍爾靈龜覩我朵頤又曰見金夫
不有躬此常人之所係留也若無妄之匪止有青不

利攸往則高明亢之所欲留也方為此而止復為
彼而羈甫為甲所綴復為乙所留何時何日而至於
堯舜之地哉惟文王之心至清至明至純至粹若此
之類一毫不留故其造道之速非他人所及其曰望
而未見則其謙謙自牧之常非其有所未至也誕大
也如茂叔時之茂皆盛大勇決而無所係之謂也他
人於道遲留進退意氣不盛惟文王則浩然沛然卒
而得其全体故曰誕先登于岸與釋氏彼岸亦不妨
其為同即至道所在也帝謂文王文公謂文王能知
其實天命之猶有一說蓋人心多自迷昧有所畔

美皆顯而不資惟明者與鬼神知之蓋虛照也
惟欲美惟文王則見于幽獨之中上帝則見於
所之中不惟見文王之無於常人之有亦無不見見
善則見惡也嗚呼世之顛倒於利欲之場豈知年
乎其土者無一時刻而不臨之哉其或本無邪心
而惑于異端新孝無以決其勇而成其仁者其建諸
天地亦倖質諸鬼神亦疑矣

昊天有成命二后受之成王不敢康夙夜基
命宥密於緝熙單厥心肆其靖之

天之祚德也非一日之監視君之得天也亦非一世

二世而遂可以自安不虞也關昊天者廣大無邊以
成命觀之則其於二后之間若独处暗室屋漏之中
盖潛窺而深見之所謂大無外而小無內者即此雖
曰浩浩茫茫而其無在不在及爾出王及爾游衍之
意常與人之動靜為一而不可有毫髮之間斷也二
后受之亦有自反而不敢辭之意在帝左右是也夫
天不離於文武而文武之所行本不離於天有一毫
之離於天雖與之而不敢受也夫以天之命我有周
也已成而文武之受之也復無所辭則為成王者宜
君可以擬九重而朝万国泰畝而受天下之奉飲食

實衆以享其所成所受可也而猶不敢兼大其不敢
兼者非過於憂慮也四海之大閭閻之隱賑寡無告
何可勝窮為君之難祿措之艱博施濟衆之病自堯
舜禹湯以來世守之雖麟鳳在郊甘露醴泉洋溢九
野而戒慎恐懼之心不少怠此周公之所以作無逸
也豈惟不敢康而已夙興夜寐益思有以固其已成
已受之天命其根本必使之如竹之苞其枝葉必使
之如於之茂遲其集義之歲月而無擺苗助長之心
研其理欲之精微以至於精義入神之妙蓋基命者
即易之正位凝命康誥之宅天命宥密者即乾之寬

居仁行中庸之廣大精微蓋莫非為君難之當然而
成王能之非有得於周公之素不能也不然為此詩
者蓋甚精至固非諛其君以不實之語者比也蓋自
是而文武之緒益繼續而不墜愈開拓而光明子孫
之心于是為盡而宗周之廟社亦至是而始安故曰
於緝熙單厥心肆其靖之蓋有周之天命雖定於文
武至於大定則成王之功以金縢觀之周公之於
國家猶稟然也苟不得成王之緝熙邠邠之問其能
遂不摧乎關則逸樂而亂亡起矣且天命有周已成
於文武而召公告成王方以成命期之已基於文

而周公告成王方以基命定命告之二公之言見於
召誥洛誥可考也豈非周之大象爲人子孫者當世
世不忘哉此章乃康王以後祭成王之詩故天與二
后各止一句而成王凡五句舊序以爲周人郊祀天
地之詩註疏惑之皆以成王爲成其王道而不以爲
成王誦文公詩傳各以辨其非矣茲不復贅

石堂先生遺集卷之五